

Në bazë të nenit 14, nenit 15 dhe nenit 21 të Ligjit për Regjistrin Unik të Zgjedhësve („Gazeta Zyrtare e Republikës së Serbisë“, nr. 104/2009, 99/2011, 44/2024 dhe 96/2025), si dhe pikave 9 dhe 10 të Udhëzimit për zbatimin e Ligjit për Regjistrin Unik të Zgjedhësve („Gazeta Zyrtare e Republikës së Serbisë“, nr. 15/2012, 88/2018, 67/2020, 40/2021, 90/2021, 16/2022, 34/2024, 44/2024, 4/2026 dhe 16/2026), Administrata Komunale e Komunës së Medvegjës

EKSPOZOHET NË SHQYRTIM PJESA E REGJISTRIT UNIK TË ZGJEDHËSVE PËR TERRITORIN E KOMUNËS SË MEDVEGJËS

Pjesa e Regjistrit Unik të Zgjedhësve për territorin e Komunës së Medvegjës është e ekspozuar në selinë e Administratës Komunale të Komunës së Medvegjës, në rrugën „Krala Millana“ nr. 48, në katin përdhes, në zyrën nr. 2 dhe në zyrën nr. 8.

Shqyrtimi i pjesës së Regjistrit Unik të Zgjedhësve bëhet nëpërmjet pajisjeve kompjuterike, duke futur numrin unik amë të qytetarit, me qëllim të verifikimit nëse qytetari është i regjistruar në Regjistrin e Zgjedhësve dhe nëse të dhënat e regjistruara janë të sakta.

Kërkesën për ndryshimin e të dhënave në pjesën e Regjistrit Unik të Zgjedhësve, qytetarët me vendbanim, përkatësisht personat e zhvendosur brenda vendit me vendqëndrim në territorin e Komunës së Medvegjës, mund ta paraqesin pranë Administratës Komunale çdo ditë pune, nga ora 07:00 deri në orën 15:00, më së voni deri në ditën e mbylljes së Regjistrit të Zgjedhësve, më **09 tetor 2026, deri në orën 24:00.**

Qytetarët mund të paraqesin kërkesë, ditën pas shpalljes së zgjedhjeve për deputetë të Kuvendit Popullor të Republikës së Serbisë, që në Regjistrin Unik të Zgjedhësve të regjistrohet e dhëna për votimin në zgjedhjet e ardhshme sipas vendit të qëndrimit në vend (vendvotimi), jo më vonë se pesë ditë para mbylljes së listës së zgjedhësve, përkatësisht deri më **03 tetor 2026.**

Vendvotimi i zgjedhur mund të jetë në territorin e njësisë së vetëqeverisjes lokale në të cilën zgjedhësi ka vendbanimin, përkatësisht vendqëndrimin për personat e zhvendosur brenda vendit. Kjo e dhënë nuk mund të ndryshohet deri në përfundimin e zhvillimit të zgjedhjeve.

Gjatë procedurës së shqyrtimit të Regjistrit të Zgjedhësve, personi i autorizuar për përditësimin e Regjistrit të Zgjedhësve dhe personi për ofrimin e mbështetjes në Administratën Komunale janë të detyruar të veprojnë në përputhje me ligjin që rregullon mbrojtjen e të dhënave personale.

Shqyrtimi i Regjistrit Unik të Zgjedhësve mund të bëhet edhe në mënyrë elektronike, në faqen zyrtare të internetit të Ministrisë së Administratës Publike dhe Vetëqeverisjes Lokale <https://upit.birackispisak.gov.rs/>, duke futur të dhënat e numrit unik amë të qytetarit.

ADMINISTRATA KOMUNALE E KOMUNËS SË MEDVEGJËS

Numër: 004091756 2026 06154 004 000-013.005

Medvegjë, 09 shtator të vitit 2026.



U.D. KRYESHEF I ADMINISTRATËS KOMUNALE

Ivan Kostiq jur. dipl.